

einen Schwam/so wirckt es wunderbarlicher weiß/vnd fürdert on alle Gefahr den Stulgang. Vnd ist diese Arzney von einem Fürsten erfunden.

Das ander zu des Manns Glied.

Nimb 1. lb. vngewässert schmals ½. lb. Terpētīn ½. lb. Bech/vnnd 30. Eyerdotter die hart gesotten seyen/ seud das alles vnder einander/truck's darnach hart durch ein Tuch/oder distillirs in einem Kolben mit sanfftem Feuer / so wirdt ein gutes Del herauß fließen/welches du auffheben vnnd zu versehrung der Mannsruthen brauchen kanst.

Das 108. Capitel / von einem Del/welches einen Menschen jung geschaffen macht.

G Fallopius der berühmte Italianische Arzt von Padua/hat dieses Del von erst erfunden/vnd schreibt / daß er solches an andern offtermals bewerth/auch für sich gebraucht habe/vnd sagt es sey ein sehr kräftig Ding/wie die Erfahrung außweise. Er lehret es aber also machen: Nimb Bingelkraut/wenn es die Blätter verlieren vnd Samen tragen wil/vnnd Weiß Kraut/so er florem omnium mensium nennet/eines jeden so viel als des andern / zerstoß in einem steinen Mörser/vnd so viel des Krauts ist/ so viel nim nachmals des besten Honigs/zerstoß es mit einander / vnd thu solgends auff ein jeglich Pfunde dieser Materien / acht Loth Aqua vitæ, set es neun tag an die Sonnen / thu nachmals noch so viel gut Baumöl darzu/welches süß vnd lieblich sey / schütte es alles in einen gläsern Kolben/distillirs per Balneum Mariæ,vnd so nichts mehr herauß tröpffet / so behalt das Wasser / vnnd thu das/so sich mitten im glaß gesehet/auch herauß/seihe es durch ein leinen Tuch/

Q

laß